

Visoki predstavnik Inzko sastao se sa švedskom ministricom obrazovanja Aidom Hadžialić



Visoki predstavnik Valentin Inzko sastao se danas sa švedskom ministricom za srednje obrazovanje i obrazovanje odraslih Aidom Hadžialić.

Govoreći o trenutnim političkim dešavanjima u Bosni i Hercegovini, visoki predstavnik je rekao da je “nova inicijativa EU u pravu kada naglasak stavlja na ekonomiju i na nova radna mjesta – ogromna je potreba da se ljudi vrate na posao. Ova inicijativa nudi šansu za povratak na politiku zajedništva i zdravog kompromisa, koji su bili od suštinske važnosti za ranije uspjehe.”

Visoki predstavnik Inzko također je zahvalio ministrici Hadžialić za dugotrajno i kontinuirano opredjeljenje Švedske da pomogne Bosni i Hercegovini u razvoju demokratije i integraciji sa Evropskom unijom, što uključuje i njenu posjetu.

“Moramo iskoristiti potencijal i entuzijazam mladih ljudi za izgradnju ove zemlje. Vaše imenovanje u Švedskoj bilo je inspiracija mnogim ljudima ovdje, jer to dokazuje kako ljudi iz BiH mogu uspjeti kada se nalaze u funkcionalnom socijalnom i političkom okruženju. Bosanskohercegovački lideri moraju

iskoristiti pozitivni zamah koji je proistekao iz predavanja aplikacije za članstvo u EU, upravo da naprave takvo okruženje u BiH," zaključio je visoki predstavnik.